

كلمة السيد ميشال ضاهر في العرس الجماعي الخامس



السيد ميشال ضاهر متحدّثاً.

حضرات المطارنة والآباء الأجلاء
احبتي العرسان. ايها الاصدقاء والاهل
للسنة الخامسة بوقف بنفس المطرح .
بنتغير وجوه العرسان واساميهن.بيختلف عددن. بس ما بنتغير مشاعرالفرح والحب والاحلام
اللي محتلة القلوب.
فمبروك. مبروك للعرسان ولاهلن واصحابن.
مبروك ل ٦٦ شاب وصبية عم يحتفلو اليوم بعرسن.يعني ب٣٣ عيلة جديدة عم تخلق. وكل
عرس في شني من عرس قانا الجليل.
بعرس قانا الجليل حوّل المسيح المنيّ خمير. بعرسكن اليوم عم حوّلوا ايمانكن وحبكن وفرحكن
لرسالة . رسالة لكل واحد عم يفكر بهجر الفرح من بيوتنا. رسالة لكل واحد عم يفكر
بهجرنا من بيوتنا. عم تقولون ببساطةنحن باقيين بهالارض. باقيين نحب. ونفرح ونترج
ونربي ولادنا واحفادنا على ١٠٤٥٢ كلم مربع.
باقيين هون مسيحيين ومسلمين. متمسكين بوحدتنا وبعيشنا المشترك وإيماننا بهالوطن.
مأمنين بالتقارب بين كل اللبنانيين ومثل ما رخبنا بتوافق أكبر حزين مسيحيين. منتمنى
يشمل التوافق والتلاقي كل القوى السياسية.
نعم نحنا مأمنين بهالوطن. ول يللي مفكرين انو يخوفونا او يهجرنا منقلن:قبلكن كنار
جربو وفشلو. وآخر درس عطيتو بلدة القاع بصمود اهلها وشجاعتن. فتحية من زحلة الابية
للقاع الجريحة والصامدة. تحية لحمايتها وحماة كل الوطن. تحية لابطال الجيش اللبناني وعلى
راسن قائد الجيش العماد جان قهوجي.
نعم يا اصدقائي. على الرغم من كل التحديات والمشاكل والافق اللي مبين اليوم مسدود. نحنا
ما رح نستسلم. الرهان عليكن انتو هالشباب والصبايا بتحققوا التغيير المطلوب. ويمكن
منرفع الصوت. والسواعد عند الضرورة. بوج كل هالطبقة السياسية لنقلن بوضوح:
بدنا رئيس للجمهورية ... قبل ما نخسر هالجمهورية.
بدنا حكومة متجانسة ومتفقة على مصالحنا مش متفقة علينا.
بدنا مؤسسات فاعلة ومنتجة. والاهم بدنا نستعيد دولة القانون.
دولة ما في محل فيها للفساد وللفسادين..الا الحبس. دولة بتنهض بالاقتصاد وتحقق
العدالة الاجتماعية. دولة بتهتم بشبابها وبتأمنلن فرص العمل مش بتخليهن يحلمو
بالسفر والهجرة. دولة ما بترمي ناسها بس يختيرو. وبتذلن ع ابواب المستشفيات.
دولة . المسؤولون فيها أو يكونو على قدر المسؤولية أو ما في خلاص للبنان الا بالخلاص منن.
ايها الاصدقاء والاحبة:بعرف انو الواقع اليوم مش قريب من اللي بدنا باه واللي منحلّم في.
بعرف انو في مين عم يحاول يختيرنا بين الذل والفقر أو الهجرة.
بس بعرف كمان أنّا شعب عنيد. جدودنا حفروا الجبال وزرعوا السهل. قاوموا المحتل وواجهوا
المعتدي. ونحنا ما بينقصنا شني. ايماني كبير بالشباب. بارادتن وسواعدن وتضامنن. هالشباب
هني اللي رح يبنوا لبنان اللي بيشبهنا. لبنان اللي بيشبه احلام هالعرسان الحلوة. ومثل
ما غنت فيروز . ما يتكسر ايماني ولا يتعب ايماني . وكل سنة بيتجدد مع عرسنا جداد .
وما في شني بفرحني اكثر من اني شوف ١١٢ ولد هني ثمرة الاعراس السابقة.
وباختتام اسمحولي اشكر كل اللي شاركوا بالجاح هالعرس وبفدمتن السادة المطارنة
والكهنة .كمان بتشكر رئيس بلدية زحلة المهندس اسعد زغب وأعضاء المجلس البلدي
ومحطة ال أم. تي.في يللي مشاركتنا كل سنة بنقل مباشر للاحتفالوالشكر الكبير الكن
انتو الحضورالكريم . الله يدّم الفرح بدياركن ومبروك من جديد للعرسان.



رجل الأعمال ميشال ضاهر يضيء سماء زحلة بحفل زفافٍ جماعيٍّ خامس



مشهد من العرس الجماعي المسيحي الخامس واساقفة زحلة يباركون العرسان

في ظلّ مباركة مقام سيدة زحلة والبقياع. ومطارنة زحلة . احتفلت زحلة بكنائسها الشرقية والغربية بزفاف ٣٣ ثنائياً جديداً من مختلف الطوائف المسيحية. وعلى وقع الصلاة والترانيم هتفوا نعماً ابدية واحدة. وذلك في «بارك جوزف طعمة سكاف في زحلة». بحضور راعي الحفل وعقيلته رجل الاعمال ميشال ضاهر واهالي العرسان ومدعوين.ورأس حفل الزفاف اساقفة زحلة بمشاركة عدد من الكهنة والآباء للرعايا والنشمامسة. الذين تلوا مختلف الطقوس المسيحية الشرقية والغربية. واختتم الحفل باطلاق المفرقات والأسهم النارية الضخمة في سماء زحلة.
التحضيرات اللوجستية كانت شاملة ومنظمة وراقية وقد ابهرت الحضور للعام الخامس على التوالي.
يذكر أن خطوة العرس الجماعي الذي يقيمه ضاهر في كل عام هي مبادرة تهدف الى تثبيت الشباب المسيحي في ارضه وفي قراه وبلداته. وللحدّ من هجرته. ومساعدته في تأمين عمل له لمساندته في وضع خطوته الاولى نحو تكوين وبناء عائلة لتمتين ارتباطه بمحيطه اللبناني.

